


25  
29)  
26  
Sanctissimi D. N.

# ALEXANDRI DIVINA PROVIDENTIA PAPÆ VII

Confirmatio, & Declaratio Constitutionis Innocentij Papæ X. qua damnatæ sunt quinque Propositiones excerptæ à libro Cornelij Iansenij Episcopi Iprensis, cui Titulus, Augustinus.



ROMÆ, Ex Typographia Reuerendæ Cameræ  
Apostolicæ, M.DC.LVII.



# ALEXANDER EPISCOPVS

SERVVS SERVORVM DEI.

*Vniuersis Christi fidelibus salutem, & Apostolicam benedictionem.*



D Sanctam Beati Petri Sedem, & Vniuersalis Ecclesiae regimen, in scrutabili Diuinæ Prouidentiae dispositione, nullis nostris suffragantibus meritis euecti, nihil Nobis antiquius ex muneri nostri debito esse duximus, quam vt Sanctæ Fidei nostræ, ac Sacrorum Dogmatum integritati tradita Nobis à Deo potestate opportunè cõsuleremus; ac licet ea, quæ Apostolicis Constitutionibus abundè fuerunt definita nouæ Decisionis, siue Declarationis accessione, nequaquam indigeant, quia tamen aliqui publicæ tranquillitatis perturbatores illa in dubium reuocare, vel subdolis interpretationibus labefactare non verentur, ne morbus iste latius diuagetur, promptum Apostolicæ authoritatis remedium censuimus non esse differendum. Emanauit siquidem aliàs à soel. rec. Innocentio Papa X. Prædecessore nostro Constitutio, Declaratio, & definitio tenoris, qui sequitur, videlicet. Innocentius Episcopus Seruus Seruorum Dei. Vniuersis Christi fidelibus salutem, & Apostolicam benedictionem. Cum occasione impressionis libri, cui titulus Augustinus Cornelij Iansenij Episcopi Ipresis, inter alias eius opinionones orta fuerit, præsertim in Gallis, controuersia super quinque ex illis, complures Galliarum Episcopi apud Nos insisterent, vt easdem Propositiones Nobis oblatas expendere, ac de vnaquaque earum certam, & perspicuam ferremus sententiam. Tenor verò præfatarum propositionum est prout sequitur.

Prima. Aliqua Dei præcepta hominibus iustis volentibus, & conantibus secundum præsentem, quas habent vires, sunt impossibilia, deest quoque illis Gratia, qua possibilia fiant.

Secunda. Interiori Gratia in statu naturæ lapsæ nunquam resistitur.

Tertia. Ad merendum, & demerendum in statu naturæ lapsæ non requiritur in homine libertas à necessitate, sed sufficit libertas à coactione.

Quarta. Semipelagiani admittebant præuenientis Gratia interioris necessitatem ad singulos actus, etiam ad initium fidei, & in hoc erant hæretici quod vellent eam Gratiam talem esse, cui possit humana voluntas resistere, vel obtemperare.

Quinta. Semipelagianum est dicere, Christum pro omnibus omnino hominibus mortuum esse, aut sanguinem fudisse.

Nos, quibus inter multiplices curas, quæ animum nostrum assiduè pulsant, illa in primis cordi est, vt Ecclesia Dei Nobis ex alto cõmissa purgatis præuarum opinionum erroribus tuto militare, & tanquam nauis in tranquillo mari sedatis omnium tempestatum fluctibus, ac procellis, securè nauigare, & ad optatum salutis portum peruenire possit; Pro rei grauitate coram aliquibus S. R. E. Cardinalibus ad id specialiter sepius congregatis, à pluribus in Sacra Theologia Magistris, easdem quinque Propositiones, vt supra, Nobis oblatas, fecimus singillatim diligenter examinari, eorumque suffragia tum voce, tum

scripto

scripto relata maturè considerauimus, eosdemque Magistros, varijs coram Nobis actis  
 congregationibus, prolixè super eisdem, ac super earum qualibet differètes, audiuius.  
 Cum autem ab initio huiusmodi discussionis ad Diuinum implorandum auxilium mul-  
 torum Christi fidelium preces, tum priuatum, tum publicè indixissemus; Postmodum  
 iteratis eisdem feruentius, ac per Nos sollicitè implorata Sancti Spiritus assistentia, tan-  
 dem Diuino Numine fauente ad infra scriptam deuenimus declarationem, & definitio-  
 nem. Primam prædictarum Propositionum: Aliqua Dei præcepta hominibus iustis vo-  
 lentibus, & conantibus secundum præsentès, quas habent vires, sunt impossibilia, deest  
 quoque illis Gratia, qua possibilita fiant, temerariam, impiam, blasphemam, anathemate  
 damnatam, & hæreticam declaramus, & vti talem damnamus. Secundam. Interiori Gra-  
 tiæ in statu naturæ lapsæ numquam resistitur. hæreticam declaramus, & vti talem dan-  
 namus. Tertiam. Admetendum, & demerendum in statu naturæ lapsæ non requiritur in  
 homine libertas à necessitate, sed sufficit libertas à coactione. hæreticam declaramus, &  
 vti talem damnamus. Quartam. Semipelagiani admittebant præuenientis Gratia interioris  
 necessitatè ad singulos actus, etiã ad initium fidei, & in hoc erant hæretici, quod  
 vellent eam gratiam talem esse, cui posset humana voluntas resistere, vel obtemperare.  
 falsam, & hæreticam declaramus, & vti talem damnamus. Quintam. Semipelagianum  
 est dicere, Christum pro omnibus omninò hominibus mortuũ esse, aut sanguinem fudisse.  
 falsam, temerariam, scandalosam, & intellectam eo sensu, vt Christus pro salute duntaxat  
 prædestinatorum mortuus sit. impiam, blasphemam, contumeliosam, Diuinæ pietatis de-  
 rogantem, & hæreticam declaramus, & vti talem damnamus. Mandamus igitur omnibus  
 Christi fidelibus vtriusque sexus, ne de dictis propositionibus sentire, docere, prædicare  
 aliter præsumant, quàm in hac præsentì nostra Declaratione, & Definitione continetur,  
 sub censuris, & pœnis contra hæreticos, & eorum fautores in iure expressis. Præcipimus  
 paritèr omnibus Patriarchis, Archiepiscopis, Episcopis, alijsque locorum Ordinarijs,  
 necnon hæreticæ prauitatis Inquisitoribus, vt contradictores, & rebelles quoscumque  
 per censuras, & penas prædictas, coeteraque iuris, & facti remedia opportuna, inuocato  
 etiã ad hoc ( si opus fuerit ) auxilio brachij sæcularis, omninò coerçant, & compeçant.  
 Non intendentes tamen per hanc Declarationem, & Definitionem super prædictis quin-  
 que propositionibus factam, approbare vllatenus aliàs opiniones, quæ continentur in  
 prædicto libro Cornelij Iansenij. Datum Romæ apud Sanctam Mariam Maiorem Anno  
 Incarnationis Dominicæ millesimo sexcentesimo quinquagesimo tertio, pridie Kal. Iunij  
 Pontificatus Nostri Anno Nono. Cùm autem, sicut accepimus, nonnulli iniquitatis Ii-  
 lij prædictas quinque Propositiones, vel in libro prædicto eiusdem Cornelij Iansenij non  
 reperiri, sed fictè, & pro arbitrio compositas esse, vel non in sensu ab eodem intento  
 damnatas fuisse, asserere magno cum Christi fidelium scandalo non reformident. Nos,  
 qui omnia, quæ hac in re gesta sunt, sufficientèr, & attentè perspeximus, vt potè qui eius-  
 dem Innocentij Prædecessoris iussu, dum adhuc in minoribus constituti, Cardinalis mu-  
 nere fungemur, omnibus illis Congressibus interfuimus, in quibus Apostolica autori-  
 tate, eadem causa discussa est, ea profectò diligentia, qua maior desiderari non posset,  
 quancumque dubitationem super præmissis impofterum auferre volentes; vt omnes  
 Christi fideles in eiusdem fidei vnitatem se se cõtineant, ex debito nostri Pastoralis Officij,  
 ac natura deliberatione, præinsertam Innocentij Prædecessoris nostri Constitutionem,  
 Declarationem, & Definitionem, harum serie confirmamus, approbamus, & innouamus;  
 & quinque illas Propositiones ex libro præmemorati Cornelij Iansenij I pisco-  
 pi Irensis, cui titulus est Augustinus excerptas, ac in sensu ab eodem Cornelio Iansenio intento  
 damnatas fuisse, declaramus, & definimus, ac vti tales, inusta scilicet eadem singulis nota,  
 quæ in prædicta declaratione, & definitione vniciuque illarum singillatim inuritur, ite-  
 rum damnamus, ac eundem librum sæpe dicti Cornelij Iansenij, cui titulus, Augustinus,  
 omnesque alios tam manuscriptos, quam Typis editos, & si quos forsàn impofterum edi

con-

contigerit, in quibus prædicta eiusdem Cornelij Iansenij Doctrina, vt supra damnata defenditur, vel adstruitur, aut defendetur & astruetur damnamus itidem, atque prohibemus. Mandantes omnibus Christi fidelibus ne prædictam Doctrinam teneant, prædicent, doceant verbo, vel in scriptis exponant, vel interpretentur publicè, vel priuatim palam, vel occultè imprimant, sub pœnis, & censuris cõtra Hereticos in iure expressis ipso facto absq; alia declaratione incurrendis. Præcipimus igitur omnibus Venerabilibus Patribus nostris Patriarchis, Primatibus, Metropolitans, Archiepiscopis, Episcopis, & ceteris que locorum Ordinarijs, ac hæreticæ prauitatis Inquisitoribus, ac ludicibus Ecclesiasticis, ad quos pertinet, vt præsertim eiusdem Innocentij Prædecessoris Constitutionem, declarationem, ac Definitionem iuxta præsentem nostram Determinationem ab omnibus obseruari faciant, ac inobedientes, & rebelles prædictis pœnis, alijsque iuris, & facti remedijs, inuocato etiam, si opus fuerit brachij sæcularis auxilio, omnino coerceant. Datum Romæ apud Sanctam Mariam Maiorem Anno Incarnationis Dominicæ millesimo sexcentesimo quinquagesimo sexto, Decimo septimo Kal. Nouembris, Pontificatus Nostri Anno Secundo.

I. Card. Prodat.

G. Gualterius.

*Visa de Curia. P. Ciampinus.*

*In Nomine Domini Amen. Anno à Natiuitate eiusdem Domini Nostri IESV CHRISTI millesimo sexcentesimo quinquagesimo sexto Indiçione nona Pontificatus autem Sanctissimi in Christo Patris & D. N. D. ALEXANDRI Diuina Prouidentia Pape VII. Anno eius Secundo, Die verò septima mensis Nouembris retscripta littera sub Plumbo expedita, affixa fuerunt ad Valuas Basilicæ Principis Apostolorum & Vrbe, Cancellariæ Apostolicæ, ac alijs locis solitis, & consuetis Vrbit, per me Petrum Paulum de Grassis Apostolicam Curforem.*

Pro Magistro Curforum Iacobus Cornelius Curfor.

*Al. P. 208. Monreago e l'Isola con tutti i suoi*